

- stiturus: innatus, immutabilis, aeternus ille, priscus, non oc-
 21. ciditur occiso corpore. Qui novit indelebilem, aeternum
 illum, innatum, inexhaustum, quomodo is homo quempiam
 22. occidendum curet, vel ipse occidat? Perinde ac obsoletis
 vestibus abiectis, novas sumit homo alias, sic abiectis corpo-
 23. ribus obsoletis, alia ingreditur nova spiritus. Non illum
 penetrant tela, non illum comburit flamma, neque illum per-
 24. fundunt aquae, nec ventus exsiccat. Impenetrabilis ille,
 incombustibilis ille, imperfusibilis ille, nec non inexcicabi-
 lis, perpetuus, omnivagus, stabilis, inconcussus ille atque ae-
 25. ternus, invisibilis ille, inenarrabilis ille, immutabilis ille
 declaratur. Quare, quum talem cognoveris, non luctu eum
 26. prosequi te oportet. At si illum vel maxime identidem na-
 tum ac identidem arbitreris mortuum, ne sic quidem te, o
 27. heros, eum lugere oportet. Nam geniti certa mors est,
 mortui certa generatio: quapropter in re inevitabili non te
 28. lugere oportet. Insensibile est animantium principium,
 insensibilis exitus; sensibilis medius inter utrumque status:
 29. quinam heic complorationi locus? Miraculi instar alius
 intuetur eum, miraculi instar enarrat porro alius, miraculi
 instar eum alius enarratum audit: sed quamvis audiverit,
 30. non tamen novit eum quisquam. Spiritus semper invulne-
 rabilis ille in cuiusque corpore, o Bhârata: quare cuncta
 31. animantia non te lugere oportet. Proprii etiam officii
 memorem non te contremiscere oportet: legitimo bello me-
 32. lius quidquam militi evenire nequit, ac sua sponte pa-
 ratae coeli valvae aperiuntur. Fortunati milites, o Prithae
 33. fili, nanciscuntur bellum eiusmodi. Sin vero tu hanc le-
 gitimam pugnam haud perficias, proprii officii famaeque de-
 34. sertor, labem contrahes; et infamiam insuper mortales fabu-